

LIBRARY
OF THE
UNIVERSITY OF ILLINOIS
Prologo

de

1834

MYTHO ARISTOPHANIS

in Sympotio Platonis

Ex amini

in Lyceo Gubenensi

d. XV. Octob. ~~CICISCCXCIX~~

honoranda

habendo

praemissa

a

M. Henrico Ludouico Hartmanno


Conrectore.



Gubenaec

ex officina Brükneriana.





Q. B. V.

Iamdudum quidem multi fuerunt, qui de mythis Platonis in
vniuersum agerent, atque de singulis etiam sententiam breui-
ter dicerent, I. sed, qui ex omni parte singulos considera-
verit, qui in eorum argumentum, consilium, indolem, fictio-
nis causas, fontes accuratius inquisuerit, non reperi. Equi-
dem valde dubito, an iustam rationem sequuti sint, qui uni-
versam expositionem susciperent, singulari leu particulari non-
dum

* 2

1. Sufficiat nominasse recentissimum de hac re libellum, quem de mythis Pla-
tonis a. MDCCCLXXXVIII. scripsit Hüttnerus, collegae carissimi filius, qui
multorum prouidus urbes & mores hominum inspexit, & non mediocrem
nominis celebritatem aliis quoque scriptis iamdiu consequutus est. Libri
eorum, qui hac de re agunt, passim in libello laudato commemorantur.

dum praegressa. Non enim fieri potest, quin multa ambigua & incerta in disputatione de mythis resideant, nisi antea natura singulorum diligentius explicata sit atque declarata. Ab interpretibus libellorum ipsorum, quibus mythi inserti sunt, non facile potest eiusmodi vberior tractatio postulari atque expectari, quum eorum opera magis pertineat ad sensum verborum atque loquendi formularum indagandum, ad nexum locorum declarandum, & ad veritatem aut vitiositatem lectionum diiudicandam. Quum igitur ut omnino singulorum Platonis mythorum, ita etiam eius, qui Aristophani in Symposio tribuitur, 2. neque copiosior expositio apparuerit, neque etiam interpretis singulorum philosophi scriptorum esse videatur: nemo mirabitur, me nunc operam suscepisse, de mytho Aristophani poetae tributo 3. diligentius differendi. Opera autem mea ita versabitur in hac quaestione tractanda, ut primum *de argumento & consilio mythi*; deinde *de indole ejus atque natura*; tum *de causis, cur Plato eum Symposio intexuerit*; denique *de fontibus exponam*.

Iam quum ad omnem rem opus esse videatur, ut mythus ipse praemittatur: hoc nunc officio ita fungar, ut non tam versionem Aristophanis verborum exhibeam, quam primarias mythi partes enarrem. „*Antiquissimis temporibus tria hominum fuerunt genera, masculum, femininum, androgynum; 4. quorum primum a Sole, secundum a Terra, tertium a Luna*
originem

2. Cap. XIV, 3. ff.

3 Aristophanem comicum intelligendum esse, partim omne mythi exornationisque eius ingenium ostendit, partim locus (cap. XXXVI, 6.) docet; ubi ad Aristophanis Nubb. v. 362. ita alluditur, ut versus nostro Aristophani tribuatur.

4. Conf. cap. XIV, 3.

originem traxit: 5. Quoduis horum genus erat duplicatum, ita ut frontem omnesque ceteras corporis partes haberet duplicatus. 6. Homines ex genere masculino, ab utraque parte virili erant forma; illi e genere feminino constituebant singuli binas feminas; isti e genere androgyno, ex parte erant mares, ex parte feminae. 7. Iam quum tria haec genera ipsa forma sua essent robustissima roburque suum sentirent, seditionem mouerunt contra ipsos deos. 8. Dii autem quum diu deliberaissent, quomodo audaciam illorum frangerent atque coercerent: 9. Iupiter sibi reperisse videbatur, quo & eorum temeritas cohiberetur, & dii non tantum nihil detrimenti, sed utilitatis quoque caperent. Caeteris igitur diis sententiam ita exposuit, ut diceret, se quoduis illorum generum in duas diuisurum esse partes, quia sic futurum esset, ut & imbecilliores homines redderentur, & numero plures plura etiam offerrent sacrificia. 10. Quod quum reuera & quidem facili opera fecisset, Apollinem os in eam corporis partem vertere iussit, qua sectio facta erat, ut semper impietatis poenaeque essent memores. 11. Iam homines illi quum post sectionem, Apollinis in primis opera, coitum exercere seque propagare non possent, quum indies desiderio alterius suae partis languerent atque perirent,

• 3

5. Conf. cap. XIV, 6.

6. Conf. cap. XIV, 4.

7. Haec descriptio partim quoad sensum inest c. XIV, 4., partim elici potest ex cap. XVI, 1. 2. 3.

8. Conf. Cap. XIV, 7.

9. Conf. XV, 1.

10. Vid. cap. XV, 2.

11. Vid. ibid. §. 3.

rivent, metuendumque esset, ne totum humanum genus periret: Jupiter tandem misericordia ductus, caput rursus inuertit, ita ut nunc liberos procreare possent." 12. — Non omnia in hoc mytho ita sunt comparata, ut iis omiſſis consilium Aristophanis primarium teneri non posset, immo nonnulla ad illustrationem & exornationem tantum pertinent. Consilium poetae postulabat, ut primum commemoraretur triplex hominum genus, duplicatis corporis partibus instructum; deinde dissectio a Ioue instituta; denique desiderium separatae partis ex coniunctione pristina exortum. Ad illustrationem autem pertinent ea, quae Iouem ad sectionem mouisse dicuntur; nimirum seditio antiquissimorum hominum in deos mota, quae quidem proxima sectionis erat causa; & utilitas & multiplicatis hominibus speranda. Quae porro Apollini tribuitur inversio oris ad eam partem, ubi sectio facta erat, ea quidem tantum ad exornationem pertinet. Aristophanes enim inuersione hac commemorata nil nisi Iouis iram sistere & declarare vult, ut paulo inferius restitutionem prioris formae a misericordia, lucris studio excitata, originem traxisse, non obscure significat. Iam ut haec, quae hactenus dixi, plus accipiant lucis, de consilio orationis Aristophanis, quae mytho illo, tanquam fundamento, nititur, pauca adiicienda sunt. Aristophanes ipse consilium suum in vniuersum sic declarat: ἵνα πλείονα ὑμῖν εἰσέλθουσιν τὴν δύναμιν ἔχοντες. 13. Vim igitur & potentiam Amoris vult enarrare. Quae autem illa est vis & potentia? Oratione poetae ad finem perfecta apparet, eum describere voluisse vim eam, quam exercet non tantum in homines diuersi sexus, sed etiam in homines vnius eiusdemque generis, adeo ut vis illa & potentia insit in ambitu, quem Amor habet. Quum enim antiquum

12. Vid. ibid. §. 5. 6.

13. Vid. XIV, 2.

quum hominum genus masculum e duobus maribus compositum esset, nunc post sectionem adhuc masculi sunt, qui cupiditate sui sexus ferantur, appetentes quasi seiunctae suae partis; quum homines e genere feminino vetere duabus feminis constarent, nunc etiam mulieres quaedam sui sexus sunt cupidae; quum denique androgynum genus ex parte esset masculum, ex parte femininum, nunc quoque mares feminarum amore ducuntur, tanquam studiosi alterius suae partis. 14. Haec igitur est vis illa Amoris, quam Aristophanes enarraturus erat, eaque cernitur in varietate seu ambitu amoris, qui ab hominibus partim in suum, partim in alterum sexum exercetur. Iam ex his modo dictis cuique etiam apparebit, sententias mythi primarias supra allatas recte esse ex omni mytho erutas. Nam ad illam amoris varietatem explicandam, opus erat fictione hominum duplicium, deinde seiunctorum suaeque partis separatae cupidorum.

Transseundum nunc est ad descriptionem *indolis & naturae* nostri mythi, qui a cacteris mythis Platonis, nominatim eo, qui infra 15. Socrati tribuitur, admodum diuersus est. Nimirum mythus Socratis argumenti est magis serii & ita compositus, vt artificiosius omnia ea inde deriuentur, quae Socrates de natura Amoris dicit; Aristophanis autem mythus pertinet ad laetius mythorum genus atque facili opera ei omnia superstruuntur, quae ad ambitum imperii Amoris illustrandum proferuntur. Vt igitur Socrati animus erat, mytho suo magis edocere, quam delectare, sic Aristophanis animo magis hoc propositum erat, vt auditores exhila-

14. Conf. XVI, 1. 2. Hic enim locus, cuius sensum in contexta oratione expressi, videtur primarius esse, si de consilio Aristophanis quaeratur.

5 Vid. XXIII, 4. 5. 6.

exhilararet. 16. Hic Aristophanis animus ut ex mytho ipso facile intelligitur, ita etiam ex reliqua eius oratione luculentissime elucet. Nemo nunc dubitabit, quin indoles mythi antea descripta ingenio Aristophanis accommodata, atque adeo notae Platonis diligentiae exemplum sit clarissimum, qui quidem personas dialogorum ita solet sistere, ut partes, quas agunt, ab ingeniis ipsarum non sint alienae. 17. Quomodo enim aptius mores Comici exprimi poterant, quam ita, ut id soluta oratione facere iuberetur, quod vincula facere consueverat? Notum est, comoedias eius iocis plenas esse & ad risum movendum idoneas. Iam quis est, qui non sentiat, eundem iocandi amorem argumento & exornationi mythi inesse. 18. Porro inter omnes

16. Ad illustrandum hoc de Socratis & Aristophanis mythis totisque orationibus iudicium non singuli loci sufficiunt, sed totae orationes ponderari debent.
17. Sic Eryximachi oratio plane ita confecta est, ut nihil ei inesse intelligatur, quod ingenio illius vitaeque generi repugnet. Ex historia enim constat, cum filium fuisse Acumeni medici, ipsumque eidem arti operam dedisse. Hinc, quum quisque suo vitae genere delectetur, oratio eius continet praeccepta diaetetica (cap. IV, 5.) & omnino nemini magis, quam medico, convenit. Similiter Plato etiam Agathonis ingenium atque dictionem vere studuit exhibere atque imitari. Nam, ut ex Athenaeo patet, ingeniosus videri voluit, cumulavitque isocola & antitheta. Eadem quaesita styli venustas invenitur etiam in iis, quae ab Agathone in honorem Amoris (c. XVIII. XVIII.) proferuntur. Eodem modo Socratis & Alcibiadis orationes ipsorum ingeniis conveniunt. De reliquorum, Phaedri & Pausaniae, orationibus nihil adiciam, quum hi non ita noti sint ex historia, ut certo iudicare possimus, an orationes ingeniis eorum sint accommodatae.
18. Iocandi lubricitatis vestigia impressa sunt v. c. cap. XV, 2. ubi de motu & incessu antiquorum hominum sermo est; cap. XV, 3. ubi sectio illorum ridiculo modo describitur; cap. XV, 3. ext. & 4, ubi inuersionis capitis illorum per Apollinem enarratur; cap. XVI, 11. ubi de sectione rursus metuenda, nisi in deos modesti satis fuerimus, dicitur. Etiam alii loci hanc in rem laudari possent, nisi iam sufficeret, primarios attulisse.

omnes constat, poëtam illum lubenter deos risisse. Idem animi studium prodit in variis mythis & reliquae orationis locis, leuitatis speciem habentibus. 19. Vt igitur Plato Aristophanis ingenium atque mores aptissimis coloribus depinxit, ita etiam simul curauit, vt mythus cum adiuncta oratione in omni dialogo locum obtineret commodissimum. Septem enim orationum Symposii Aristophanis est media, atque adeo, quum reliquae magis sint seriae, ad exhilarandam Symposii societatem quam maxime valere poterat, adeo vt dialogus ipse oratione poëtae reuera fiat symposiacus. Patet nunc ex modo dictis, indolem mythis eam esse; vt hic partim sit ex laetiori genere, partim etiam & personae & omni loco, quem obtinet, conuenientissimus.

Nunc facile etiam *causae* afferri possunt, cur *mythus Aristophanis Symposio intextus sit*. Plato eum inseruisse videtur, quia sic consilium Aristophanis, varium Amoris imperium declarandi, facillime teneri, atque adeo nullo negotio intelligi posset, quomodo vsu venisset, vt alii suum sexum, alii alterum amarent. Haec enim varietas amoris quomodo facilius explicari poterat, quam ita, vt mythus fingeretur de antiquo hominum genere triplici, duplicato corpore constante? Praeterea ipsa dialogi ratio, symposiacos sermones continentis, Platonem mouisse videtur, vt hunc laetioris generis mythum intexeret. Quae quidem causa, vt facile cuius in mentem venit, ita non opus est, vt vberius de ea agatur. Statim igitur ad tertiam causam transibo, quae non tantum in hoc, sed etiam in aliis mythis Platonem

* *

19. Quaedam eiusmodi leuitas inest in ratione, qua Iupiter de hominum antiquorum insolentia deliberans eorumque poenam constituens sistitur; vid. c. XV, l. 2.

tonem mouisse videtur. Haec, vt cum aliis puto, 20. quaerenda est in ingenio eius poëseos amante, quod etiam in aetate virili, quanquam numeris & versibus abstinuit, non plane exiit.

De *fontibus* mythorum Platonis in vniuersum non vna virorum doctorum est sententia. 21. Alii enim arbitrantur, Platonem sua ex Aegyptiis & Pythagoraeis sumxisse, vt Heynius; 22. alii putant, nonnullos mythos, nominatim qui de Orco agunt, haustos esse ex Orphicis, vt Wolfius; 23. alii nonnullorum auctorem Socratem existimant, 24. alii denique religionem popula-

20. Hüttnerus in primis menti obuersatur, qui quidem non singulatim de nostro mytho ita statuit, sed tamen in vniuersum dicit, mythos Platonis ingenio etiam eius ad poësin proclui deberi. v. libellus eius de mythis Platonis p. 14.
21. Vid. Hüttner. lib. I. p. 11. vbi etiam libri laudantur, quibus variae de fontibus mythorum Platonis sententiae insunt.
22. Excurs. XIII. ad Virg. Aen. I. VI.
23. Vid. Wolf. Uebersicht des Inhalts p. 72. not.
24. Vid. idem Hüttner. lib. I. p. 10. vbi Meinert. Gesch. d. Wiss. T. II, p. 420. not. laudatur. Haec sententia, quamquam habet, quo nitatur, quum multa in Platonis scriptis e Socratico fonte fluxisse videantur: tamen ratione omnium Plat. mythorum non probari potest. Multorum enim argumentum & indoles est eiusmodi, vt vix Socrati tribui possint. Si igitur mythum aliquem Socrati tribuere velimus, in promptu est, ante omnia videndum esse, an res, quae mytho continentur, ab ingenio Socratis non sint alienae. Iam si nostrum mythum diligenter perlegerimus, nihil inesse reperiemus, quod nos iubeat, Socrati eum tribuere. Accedit, quod non probabile est, Aristophanem mythum nunc enarrare aliis iam ex sermonibus Socratis notum, atque adeo ipso Socrate praesente. Et si etiam concedamus, haec non impedire, quo minus hunc mythum Socraticum esse dicamus, tamen non ita statuere poterimus, quum Socrates ipse, alia de Amore sententia proposita, omnes praecedentes orationes, atque adeo etiam Aristophanis refutauerit.

popularem & poetarum carmina fontes esse coniiciunt. 25. Quod ad nostrum mythum attinet prius allatarum sententiarum veritatis speciem habere videri potest, quum reuera in mytho loci inueniantur, qui placitis Pythagoricae scholae nitantur. Aristophanes scilicet antiquum genus masculinum a Sole, femininum a Terra, androgynum a Luna deriuauit. 26. Ex his autem concludi potest, Comicum naturam lunae ipsam putasse *ἀνδρόγυνον*, hoc est, commune quid cum sole & terra habentem, atque adeo eandem cum Pythagoraeis de luna habuisse sententiam, qui nimirum recte putabant, lunam a sole lucem accipere, atque, vt terram, opacum esse corpus. 27. At quamuis non prorsus improbabile sit, Aristophanem seu potius Platonem mythum suum scholae Pythagoricae debere, tamen plus ex illo loco de origine androgyni generis concludi videtur, quam vere inest. Poterat enim Plato ad Pythagorica dogmata, quae cognita haberet, respicere, poterat in iis locis, qui quandam cum Pythagoraeorum decretis similitudinem habent, ad decreta illa alludere, iis sua superstruere, & tamen ipsum mythum suo ingenio debere. Repudiata igitur hac sententia, sequor illorum sententiam, qui nonnullos mythos a Platone confictos esse censent, ita vt etiam nostrum in numero illorum esse putem. Rationes, quibus ad hanc sententiam moueor sunt hae: Primum mythus non aliunde petitus censeri potest propterea, quod omnes eius partes lectorem monent, eum non eius esse generis, vt ad varia argumenta accommodari possit, sed potius ad hoc Symposium ornandum de industria esse compositum

* * 2

25. Vid. quos laudauit Hüttnerus. l. l. p. 11.

26. Vid. c. XIV, 6.

27. Vid. in edit. Wolf. notam Sydenhami ad XIV, 6.

fitum. Nam hic mythus omni reliquo libelli argumento aptissime conuenit, neque leue atque inane additamentum haberi potest, quum partim primuriam Symposii partem constituat, partim etiam non mediocri cura compositus sit. 28. — Deinde si mythus aliunde haustus esset, haud dubie ingenio Aristophanis non ita accommodatus esset, ut ipse Aristophanes suum ingenium suosque mores sequi videretur. Si enim omnis locus, comico tributus, non in Platonis scripto legeretur, si compositio eius Aristophani ipsi tribueretur, nemo non eum agnosceret auctorem. Reperimus in eo eandem animi hilaritatem, quae in ipsius scriptis delectat; inest eadem animi leuitas ratione deorum, qua ipsius comoediae sunt plerae. Apparet igitur, Platonem dedita opera mythum illum ita finxisse, ut responderet ingenio poetae aliunde noto. — Porro etiam ob hanc causam mythus noster a Platone inuentus esse videtur, quia hoc non sumto varii loci lectorem offenderent, ubi magna orationis Aristophanis excitatur spes. Quum enim Pausanias, alius conuiuia, laudes Amoris celebrare desisset, & Aristophani pro loco, quem tenebat, verba facienda essent: Plato cum finxit repente singultu laborare, ita ut Eryximachus, Acumeni filius, ante Aristophanem de Amore dicere cogeretur. 29. Singultus autem ille haud dubie non sine causa a Platone fictus est, sed probabiliter efficere ita studuit, ut Aristophanes ridendi occasionem praeberet & oratio eius eo cupidius expectaretur. Praeterea etiam interiecti sermones, quos Eryximachus finito Amoris encomio cum
Aristo-

28. Nemo erit, qui diligentem Platonis curam non agnoscat, quum consilium, quod propositum erat, reuera teneatur.

29. Vid. c. XI, 6. 7. 8.

Aristophane confert, 30. eius sunt generis, ut fieri non potuerit, quin magna comicum audiendi apud omnes esset aviditas. His igitur omnibus sic praeparatis, hac magna expectatione excitata, num verisimile est, Aristophani tribui mythum aliunde iam cognitum? num talis mythus tantopere placere potuisset? nonne ita omnium fefelleret spes? Sed hoc non factum est, immo Eryximachus Aristophani finita oratione hanc ex animo, ut videtur, tribuit laudem: „ὁ λόγος ἰδίως ἰσχυρὸς. 31. Quam quidem laudem non tantum venustates orationis Aristophanis reliquae, sed etiam novitas mythi ipsius peperisse videtur. Insuper etiam non probabile est, Platonem recoxisse mythum, quia hoc persona ipsius videtur indignum & quia philosophus ex sententia omnium lectorum in Symposio diligentissimam collocavit operam. Mythus igitur recoctus nil nisi macula, eximio artis operi adpersa, esset, & tamen non exiguam reliquis conuiuiis voluptatem attulisse, speique magis iam antea excitatae satisfecisse reperitur. Denique nonne probabilius est, Platonem, qui adolescens tantopere poësi delectaretur, occasionem fingendi potius quaesivisse, quam praetermisisse oblatam? His igitur rationibus permotus arbitror, Platonem mythum non aliunde accepisse, sed potius excogitasse.

Restat nunc, ut ad ea transgrediar, quae occasionem scribendi dederunt. Quum nimirum ex more recepto hoc anni tempore examen in nostro Lyceo instituendum sit, non tantum muneris ratio postulat, sed etiam animi studium flagitat, ut precibus humanissimis Patronos Fautoresque nostrae
 scholae

30. Vid. c. XIII., 5. 6. 7. 8.

31. Cap. XVII, 2.

scholae rogem oremque, velint ita beneuolos erga nos collegas nostrosque discipulos se gerere, vt frequentes intersint examini. Equidem collegarum & meo affirmitate nomine, nos benevolentiam illam gratissimo semper agnituros esse animo, in primis quum nihil nobis iucundius sit, quam quod valeat ad excitandum incitandumque discipulorum amorem virtutis litterarumque studium. Hanc autem vim Vestrae praesentiae certissime speramus fore, quum neque aetas, neque fama Vestrae derogat auctoritati. — Nunc quoque pauca de omni examinis ratione adiicerem, si, praeter auctores & disciplinas, etiam modum illos atque has examinando tractandi, oculis aliorum verbis subiicere valerem. Quum igitur hoc fieri nequeat, quum quisque, qui nostrum tentandi discipulos modum cognoscere velit, ipse examini interesse debeat, plane a descriptione examinis abstineo.

Scripti Gubenae mense Septembri CIOCCCXCIX.

